

## Uzbek - Deliverance Scriptures

Numbers - Саҳрода 10:35 Сандиқ йўлга чиққанда, Мусо шундай дерди:

“Қўзғал, эй Эгам, Сенинг ғанимларинг тумтарақай бўлсин. Сени кўролмаганлар олдингдан қочиб кетсин.”

Deuteronomy - Конунлар 23:5 Лекин Эгангиз Худо Баломга қулоқ солишни хоҳламади. Эгангиз Худо сизларни севгани учун, Баломнинг лаънатини баракага айлантириди. (Хахалё 13:2)

Ёзилган - Zabur 44:4(43:5) Сен Шоҳимсан, Худойимсан, Амр бер, Ёкуб насли ғолиб бўлсин.

Ишаё 61:1 Эгамиз Раббийнинг Руҳи мени қамраб олган, Чунки У мени танлаган. “Йўқсилларга хушхабар етказсин, Хаста қалбларга шифо берсин, Асиrlарга озодлик эълон қилсин, Зиндондагиларга эркинлик хабарини берсин” деб, Эгам мени юборди. (Луқо 4:18)

Матто 6:13 Бизни васвасага дучор қилмагин, Ёвуз шайтондан ҳалос қилгин.» (Луқо 11:4)

Матто 8:16 Кеч кирганда Исонинг олдига жин чалган кўплаб одамларни олиб келишди. У сўз билан жинларни қувиб чиқарди, хаста одамларнинг ҳаммасига шифо берди.

Матто 10:1 Исо Ўзининг ўн икки ҳаворийсини ёнига чақириб, уларга ёвуз руҳларни қувиб чиқариш ва ҳар қандай дарду хасталикларни соғайтириш қурратини берди. (Марк 3:14,15)

Матто 10:8 Хасталарни соғайтиринглар, ўликларни тирилтиринглар, тери касаллигига чалингандарни покланглар, жинларни қувиб чиқаринглар. Текин олдингизлар, текин беринглар.

Матто 12:26-29 Агар шайтон шайтонни қувиб чиқарса, унинг шоҳлиги ўзаро бўлинган бўлади. Бундай шоҳлик қандай тура олади?! 27 Агар Мен жинларни Баалзабулнинг кучи билан қувиб чиқараётган бўлсам, у ҳолда ўз шерикларингиз кимнинг кучи билан жинларни қувиб чиқаришяпти? Шу сабабдан ҳам улар сизларни ҳукм қилади. 28 Агар Мен жинларни Худонинг Руҳи билан қуваётган бўлсам, демак, Унинг Шоҳлиги сизларга ҳам келган. 29 Ким кучли одамнинг уйига бостириб кириб, унинг мол—мулкини талон—тарож қила олади? Аввал у уйнинг эгасини боғлаб қўйиши керак, кейингина уйини талон—тарож қила олади. (Марк 3:23-27)

Матто 12:43-45 Ёвуз руҳ инсондан чиққандан кейин, ҳузур—ҳаловат излаб, сувсиз ерларни кезади, лекин топмайди. 44 Сўнг: «Чиққан уйимга қайтиб бораман», дейди. Уйига келганда, уйни кимсасиз, супурилган ва йиғиширилган ҳолда кўради. 45 Шунда бориб, ўзидан ҳам ёвуздроқ

бошқа етти рухни эргаштириб келади ва улар билан уйга кириб, жойлашиб олади. Охир—оқибат ўша одамнинг аҳволи олдингидан ҳам баттар бўлади. Бу ёвуз насл ҳам худди ўша қўйга тушади.”

Матто 15:22,26,28 Шу ерда яшайдиган Канъон халқидан бўлган бир аёл Исонинг олдига келиб, фарёд қилди: — Эй Ҳазрат, Довуднинг Ўғли, менга раҳм қилинг! Қизимни жин чалган, аҳволи ёмон! 26 Исо эса: — Болалардан нонни олиб кучукларга ташлаш яхши эмас, — деди. 28 Шунда Исо: — Эй аёл, сенинг ишончинг буюк! — деди. — Майли, сен истаганингдай бўлсин. Шу заҳоти аёлнинг қизи соғайиб қолди.

Матто 16:19 Осмон Шоҳлиги калитларини Мен сенга бераман. Ер юзида сен нимани тақиқлассанг, самода ҳам тақиқланади. Ер юзида сен нимага ижозат берсанг, самода ҳам ижозат берилади. (Матто 18:18)

Матто 17:19-21 Шогирдлар Исо билан ёлғиз қолганларида, Ундан: — Нега биз жинни қувиб чиқара олмадик? — деб сўрадилар. 20/21 Исо жавоб бериб деди: — Етарли имонингиз йўқлиги учун шундай бўлди. Сизларга чинини айтайн: агар зифирдай имонингиз бўлиб, шу тоқقا: “Бу ердан у ерга кўч”, — деб айтсангиз, тоғ кўчади. Сизлар учун имконсиз нарса бўлмайди.

Марк 1:23-26 Ўша синагогада ёвуз рухга чалинган бир одам бор эди. У тўсатдан қичқириб юборди: 24 — Эй Носиралик Исо! Бизни тинч қўй! Сен бизни ҳалок қилгани келдингми? Сенинг кимлигингни биламан: Сен Худонинг Азизисан! 25 Бироқ Исо жинга дўқ уриб: — Жим бўл! Ундан чиқиб кет! — деди. 26 Ёвуз рух у одамни қаттиқ силтади, овози борича бақириб, унинг ичидан чиқиб кетди.

Марк 1:32-34 Қуёш ботиб кеч кирган пайтда, одамлар хасталарни ва жинга чалинганларни Исонинг олдига олиб келишди. 33 Бутун шаҳар аҳолиси эшик олдига йиғилди. 34 Исо турли дарду иллатлардан қийналган кўп одамларни соғайтирди. Кўпларнинг ичидан жинларни қувиб чиқарди. Жинларнинг гапиришига ижозат бермасди, чунки жинлар Исонинг кимлигини билишарди.

Марк 1:39 Шундай қилиб, Исо бутун Жалила ҳудудини кезиб, у ердаги синагогаларда воизлик қилар ва одамларнинг ичидан жинларни қувиб чиқарар эди.

Марк 5:8 Чунки Исо унга: “Эй ёвуз рух, бу одамдан чиқиб кет!” — деб буюрган эди.

Марк 6:7,13 Ўн икки ҳаворийни ёнига чақириб, иккита—иккитадан қилиб жўната бошлиди. Уларга ёвуз рухлар устидан ҳокимият берди. 13 Улар кўп жинларни қувиб чиқаришди ва кўп хасталарга зайдун мойи суртиб уларни соғайтиришди.

Марк 9:23-25 Исо унга шундай жавоб берди: — “Қўлингиздан келса”

деганинг нимаси?! Агар одам ишонса, ҳамма нарсанинг имкони бор. 24 Шу он боланинг отаси ҳайқириб юборди: — Ишонаман!

Ишончсизлигимни енгишимга ёрдам беринг! 25 Томошага йиғилаётган халқни кўрган Исо ёвуз руҳга дўқ қилиб: — Эй гунг қиладиган руҳ, Мен сенга буюраман: боладан чиқиб кет! Бундан кейин ҳеч қачон унинг ичига қайтиб кирма! — деди.

Марк 9:29 Исо уларга деди: — Бу тоифа жинларни ибодатдан бошқа йўл билан ҳайдаб бўлмайди.

Марк 9:38,39 Юҳанно Исолага деди: — Устоз! Биз бир одамни кўрдик. У Сизнинг номингиз билан жинларни қувиб чиқараётган экан. У биз билан юрмагани учун унга бундай қилишни ман этдик. 39 Исо шундай деди: — Ман этманг! Чунки Менинг номим билан мўъжиза яратган бирор бир кимса дарров Мени ёмонлай олмайди.

Марк 16:17 Қуйидаги аломатлар имонлиларга ҳамроҳ бўлади: Менинг номим билан жинларни қувиб чиқарадилар. Янги тилларда сўзлайдилар.

Луқо 4:34-36 — Эй Носиралик Исо! Бизни тинч қўй! Сен бизни ҳалок қилгани келдингми?! Сенинг кимлигингни биламан: Сен Худонинг Азизисан! 35 Бироқ Исо жинга дўқ уриб: — Жим бўл! Ундан чиқиб кет! — деди. Шунда жин ҳамманинг кўзи олдида ҳалиги одамни ерга ағнатиб, унинг ичидан чиқиб кетди. Одам ҳеч қандай зарап кўрмади. 36 Ҳамма ҳайратда қолди. — Нима бўляпти ўзи?! У қудрату ҳокимият билан буйруқ берганда ёвуз руҳлар чиқиб кетяпти! — деб бир—бирларига гапирадилар.

Луқо 4:41 Жинлар эса: “Сен Худонинг Ўғлисан!” — деб бақирганларича, кўплаб одамларни тарқ этардилар. Исо жинларга дўқ уриб, уларнинг гапиришларига ижозат бермасди, чунки жинлар Исонинг Масих эканини билишарди.

Луқо 7:21 Айни шу пайтда Исо кўп одамларнинг хасталикларию дардларига шифо бераётган, ёвуз руҳларга чалинганларни тузатаётган, кўплаб кўрларнинг кўзларини очаётган эди.

Луқо 8:29 Чунки Исо ёвуз руҳга бу одамдан чиқиб кетишни буюрган эди. Кўп марта ёвуз руҳ бу одамдан устун келиб, уни бошқаарди. Гарчи бу одамнинг қўл—оёқларини занжир билан боғлаб қўриқлашган бўлса ҳам, у занжирни узиб ташларди, жин эса уни кимсасиз жойларга олиб кетарди.

Луқо 9:40 Мен шогирдларингизга, жинни қувиб чиқаринглар, деб ёлвордим, аммо улар эплай олмадилар.

Луқо 10:17-20 Етмиш икки шогирд хурсанд бўлиб сафардан қайтиб келдилар. Улар Исолага шундай дедилар: — Ҳазрат, биз Сизнинг номингиздан буйруқ берганимизда, ҳатто жинлар ҳам итоат этяптилар. 18 Исо уларга деди: — Мен шайтоннинг осмондан яшиндай тушганини

кўрдим. 19 Мен сизларга илону чаёнларни босиб эзиш ҳокимиютини ва иблиснинг бутун куч–қудратини оёқ ости қилиш ҳокимиютини берганман. Ҳеч нарса сизларга зарап етказмайди. 20 Бироқ жинлар сизга бўйсунайтганидан хурсанд бўлманглар, балки номларингиз осмонда ёзилганидан хурсанд бўлинглар!

Луқо 11:14 Бир куни Исо соқов одамдан ёвуз руҳни қувиб чиқарди. Жин чиққандан сўнг, соқов тилга кирди, халқ эса ҳайратда қолди.

Луқо 11:20-22 Агар Мен жинларни Худонинг қудрати билан қуваётган бўлсам, демак, Унинг Шоҳлиги сизларга ҳам келган. 21 Бошдан—оёқ қуролланган кучли одам уйини қўриқлаганда, унинг мол–мулки бехатар бўлади. 22 Аммо ундан кучлироғи ҳужум қилиб уни енгса, унинг таянган барча қуролларини тортиб олади ва ўлжасини истаганига тақсимлаб беради.

Луқо 13:32 Исо уларга шундай деди: — Бориб у тулкига айтинглар: “Эшитиб ол, Мен бугун ҳам, эртага ҳам жинларни қувиб, хасталарга шифо бераман. Учинчи куни эса ишимни тугатаман.”

Юҳанно 14:12 Сизларга чинини айтайин: Менга ишонган одам Мен қилган ишларни қилади. Булардан ҳам буюкроқ ишларни қилади, чунки Мен Отанинг олдига кетяпман.

Юҳанно 17:15 Энди уларни дунёдан олишингни эмас, балки ёвуз шайтондан сақлашингни сўрайпман.

Ҳаворийлар 10:38 Худо Носиралик Исони Муқаддас Рух ва куч–қудрат билан қандай тўлдирганини биласизлар. Исо ҳамма ёқقا бориб, яхши ишлар қилди, иблиснинг ҳукмронлигидан азоб чекканларни шифолади, чунки Худо У билан эди.

Ҳаворийлар 16:17,18 У Павлус билан бизга эргашиб, шундай деб бақиради: “Манави одамлар Худойи Таолонинг қуллари! Улар сизларга нажот топиш йўлини эълон қиладилар.” 18 Ўша чўри бир неча кун давомида шундай қилиб юрди. Охири, Павлус безор бўлиб, орқасига ўгирилди—да, ёвуз руҳга деди: “Сенга Исо Масих номидан буораман: бу қизнинг ичидан чиқиб кет!” Ўша заҳоти ёвуз руҳ қизнинг ичидан чиқиб кетди.

Ҳаворийлар 19:11,12 Худо Павлус орқали ғаройиб мўъжизалар кўрсатар эди. 12 Павлуснинг танасига теккан рўмолча ёки кийимлар хасталарга теккизилганда, улар хасталикларидан шифо топар, улардан ёвуз руҳлар чиқиб кетарди.

Ҳаворийлар 26:15-18 — Ҳазратим! Сиз кимсиз? — деб сўрадим мен. — Сен қувғин қилаётган Иноман, — деб жавоб берди Раббий. 16 — Энди ўрнингдан тур, Шоул. Сени Ўз хизматкорим қилиб тайинлаш мақсадида сенга зоҳир бўлдим. Сен Мени кўрганингни бошқаларга айтасан, сенга

кўрсатадиганларим тўғрисида гувоҳлик берасан. 17 Мен сени ўз халқинг қўлидан қутқараман. Сени ғайрияҳудийлар орасига юбориб, уларнинг қўлидан ҳам халос этаман. 18 Сен ғайрияҳудийларнинг кўзларини очасан, уларни зулматдан ёруғликка, шайтоннинг ҳукмронлигидан Худонинг ҳукмронлигига қайтарасан. Менга имон келтириш орқали уларнинг гуноҳлари кечирилиб, улар Худонинг танланган халқи орасидан жой оладилар.

Римликларга 16:20 Тинчлик манбаи бўлган Худонинг Ўзи тез орада шайтонни оёқларингиз остида эзиб ташлайди. Раббимиз Исонинг инояти сизларга ёр бўлсин.

2 Коринфликларга 2:11 Шайтонга алданиб қолмайлик, ахир, унинг фитналаридан бехабар эмасмиз–ку!

Галатияликларга 1:4 Исо Масиҳ бизни ҳозирги ёвуз замондан қутқарай деб, бизнинг гуноҳларимиз учун Ўзини фидо қилди. У шу йўсин Отамиз Худонинг иродасини адо этди.

Ҳфесликларга 4:27 Иблисга фурсат берманглар.

Ҳфесликларга 6:11 Иблиснинг ҳийлаларига қарши тура олишингиз учун Худо берган барча қурол–аслаҳалар билан қуролланинг.

2 Салоникаликларга 3:2,3 Худо бизни ёмон ва ёвуз одамлардан қутқариши учун ҳам ибодат қилинглар, чунки ҳамма ҳам имонли эмас. 3 Аммо Раббимиз Исо садоқатлидир. У сизларни кучга тўлдириб, ёвуз шайтондан ҳимоя қиласди.

2 Тимўтийга 2:26 ўзларига келарлар, иблиснинг тузоғидан қутулиб қоларлар. Ахир, иблис уларни асир қилиб, ўзига тобе қилиб олган.

2 Тимўтийга 4:18 Раббим мени бундан кейин ҳам ҳар қандай ёмонликдан халос қиласди ва Ўзининг самовий Шоҳлигига соғ–саломат етказади. Унга агадулабад шон–шарафлар бўлсин! Омин.

1 Бутрус 5:8 Ҳушёр ва бедор бўлинглар! Душманингиз бўлган иблис шердай бўкириб, бирорни ютиб юбориш учун изғиб юрибди.

1 Юҳанно 4:4 Сизлар эса, азиз болаларим, Худодансизлар ва сохта пайғамбарларни енгдингизлар. Ахир, ичингиздаги Рух дунёдаги шайтондан устундир.